

全華叢書





禪月集卷八

唐釋貫休撰

郡後學胡鳳丹月樵校梓

壽春節進

一本注武成元年作

聖運關天紀龍飛古帝基振搖三蜀地聳發萬年枝

出震同中古承乾動四夷恩頒新命廣淚向舊朝垂

大寶歸立識殊祥出遠池

時有黃龍見於嘉州之野

法天深罔測

體聖妙難知儉德為全德無思契十思不圖非力致

英武悉天資正直方親切回邪豈敢窺將排頗與牧

相得稷兼夔鹽出符真主

鹽湧并野

麟來合大規

麒麟

賡

歌隨羽籥奕葉敷伊祁寡欲情雖泰憂民色未怡盛

如唐創業宛勝晉朝儀肝食宮鶯囀宵衣禁漏遲多

於湯土地還有禹胼胝視物如傷日勝殘去殺時守

文情的的無逸戒孜孜軒頊風重振皇唐鼎創移始

聞呈瑞石又報產靈芝瑞石放光靈芝生野覆幬高緣大包容

妙在卑兄呼春赫日師指佛牟尼大梵天王帝釋以佛為師也今上皇

帝亦佳氣宸居合瀆風樂府吹急賢彰帝業解網見

天慈粟赤千千窖軍雄萬萬兒八蠻須稽顙四海仰

昌期玉輦嬪嬙擁宮花錦繡敬堯雲同駿馱漢祖太

驅馳氛祲根株盡澆訛朕兆隳山河方有截野逸詔
無遺境靜消鋒鏑田香熟稻糜夢中逢傳說殿上見
辛毗金鏡懸千古彤雲起四維盛行唐典法再覩舜
雍熙祝壽乾文動郊天太一隨煌煌還宿衛疊疊叶

聲詩飲醴和甘雨非煙遶御帷銀輪隨寶馬玉沼見

金龜

金色龜見

杳杳聞韶濩重重降撫綏魏徵須卻出葛

亮更何之簡約逾前古昇平美不疑觸邪羊咭咭鼓
腹叟嘻嘻邁五方云大超三始見奇錦霞連紫極仙
鳥下峨眉謝傅還爲傅周師又作師納隍爲永任從

諫契無爲子子寰瀛主孫孫日月旗壽春嗟壽域萬
國盡虔祈捧日三車子恭思八彩眉願將七萬歲匍

匍拜瑤墀拜當作進

送僧之安南

安南千萬里師去趣何長鬢有炎一作沃州雪心爲異

國香退牙山象惡過海布帆荒早作歸吳計無忘父

母鄉

送僧歸剡山

遠逃爲亂處寺與石城連木落歸山路人初刈剡田

荒林猴咬栗戰地鬼多年好去楞伽子精脩莫偶然
送僧入幽州

高士高無敵騰騰話入燕無人知爾意向我道非禪
栗逕穿蕃塚狼聲隔遠煙槃山多道侶應未有歸年

送僧遊五臺

羨師遊五頂乞食值年豐去去誰爲侶栖栖力已充
濁河高岸拆衰草古城空必到華嚴寺憑師問辨公
送僧入五洩

五洩江山寺禪林境最奇九年喫菜粥此事少人知

山響僧擔穀林香豹乳兒伊余頭已白不去更何之

題令宣和尚院

軒窗領嵐翠師得世情忘惟愛談諸祖曾經宿大荒
泉聲淹臥榻雲片犯鑪香寄語題門者看經在上方

寄四明閭邱道士二首

淮海兵荒日分飛直至今知擔諸子出却入四明深
衣必編仙草僧應共栗林秋風溪上路應得一相尋
三千功未了大道本無程好共禪師好常將藥犬行
石門紅蘚剝柘塢白雲生莫認無名是無名已是名

經士馬中作

偷兒成大寇處處起煙塵黃葉滿空宅青山見俗人
妖星芒刺越鬼哭勢連秦惆悵還惆悵茫茫江海濱
士馬後見赤松舒道士

滿眼盡瘡痍相逢相對悲亂階猶未已一柱若爲支
堰茗蒸紅棗看花似好時不知今日後吾道竟何之
題方公院寄夏侯明府

銀地有餘光方公道益芳誰分脩藏力頂有剃頭霜
經勘松風燥簷垂塢茗香終須結西社此縣似柴桑

與劉象正字

獨居三島上

在觀中

花竹映柴關道廣羣仙惜名成萬

事閑病多唯縱酒靜極不思山唯有逍遙子時時自

往還

懷智體道人

栖碧思

一作把筆懷

吾友庭鶯百轉時唯應一處住方得

不相思雲水淹門闌春雷在

一作折

樹枝平生無限事

不獨白雲知

贈晦公禪人

流陽爲役者相訪葉紛紛有句雖如我無心未似君
搆林青及竹茆屋暖於雲何日相將去千山麋鹿羣
寄靜林別墅胡進士兄弟

見說山居好書樓被翠侵燒燦汀島境月色弟兄吟
犬吠黃棊落牛歸紅樹深仍聞多白菌應許一相尋
懷赤松故舒道士

可惜復可惜如今何所之信來堪大慟余復用生爲
亂世今交鬪元宮玉柱隳春風五陵道迴首不勝悲
偶作

無端爲五字字鬢星星祇覺人情薄空餘鶴眼青
砌莎藏墜果窗雪浸殘經祇有歸山計茫茫何所營

春日許徵君見訪

龍鍾多病後日望遇昇平遠念穿嵩雪前林嘯早鶯
廚香烹瓠葉道友扣門聲還似青溪上微吟踏葉行

經先主廟作

古廟積煙蘿威靈及物多因知曹孟德爭奈此公何
樹古雷痕剝碑荒篆畫訛今朝冥禱祝祇望息干戈

寄中條道者

柏梯杉影裏頭白藥山孫今古管不得是非爭肯論
虎鬚懸瀑滴禪衲帶苔痕常恨龍鍾也無因接話言

夏日晚望

登臨聊一望不覺憶悵然陶侃寒溪寺如今何處邊
汀沙生早霧山火照平川終事東歸去干戈滿許田

送僧歸山

第六句
缺一字

眼青禪帔赤氣岸出塵埃霞外終須去人閒作麼來
崖香泉吐乳塢燥燒 靄他日終相覓山門何處開

覽皎然渠南鄉集

學力不相敵清還彷彿同高于寶月月誰得射鵬弓
至鑒封姚監良工遇魯公如斯深可羨千古共清風

覽姚合極玄集

第四句
缺一字

至覽如日月今時即古時髮如邊草白誰念射聲

好鳥換花落清風出院遲知音郭有道始為一吟之

大駕西幸秋日聞雷

軍書日日催處處起塵埃黎庶何由泰鑾輿早晚回
夏租方減食秋日更聞雷莫道蒼蒼意蒼蒼眼甚開

詩

紀事題
作言詩

經天緯地物動必計

一作是

仙才幾處覓不得有時還

自來真風含素髮秋色入靈臺吟向霜蟾下終須神

鬼哀

秋末江上望

莽莽古江濱紛紛墜葉頻煙霞誰是主丘隴自傷神
吞併寧唯漢淒涼莫問陳盡隨流水去寂寞野花春

乞食僧

擊鉢貌清羸天寒出寺遲朱門當大路風雪立多時
似月心常淨如麻事不知行人莫輕誚古佛盡如斯

寒望九峰作

九朵碧芙蓉王維圖未圖層層皆有瀑一一合吾居
雨歇如爭出霜嚴不例枯世猶多事在爲爾久躊躇
薊北寒月作

薊門寒到骨戰磧鴈相悲古屋不勝雪嚴風欲斷髭
清吟得冷句遠念失佳期寂莫誰相問迢迢天一涯

新猿

一作
新蟬

尋常看不見花落樹多苔忽向高枝發又從何處來
風清聲更揭月苦意一作
思彌哀多少求名者年年被

爾催

懷南岳隱士二首

一作贈
隱者

千峰映碧湘真隱此中藏
餅不煮石喫眉應似髮長

風檉

一作
根

支酒甕鶴蝨落琴床

雖一作
誰

敦忘機者斯

人尙未忘

見說祝融峰擎天勢似騰
藏千尋瀑布出十八高僧
古路無人跡新霞出石稜
終期將爾叟一月中登
追憶馮少常

盛德方清貴旋聞逐逝波
令人翻不會積善合如何

直道登朝晚分憂及物多至今新定郡猶咏袴襦歌

聞閔廷言周璉下第

前榜年年見高名日日聞常因不平事便欲見吾君
兄弟居清島園林生白雲相思空悵望庭葉赤紛紛

寄景地判官

渚宮江上別倏忽十餘年舉世唯攻說多君卽不然
浦珠爲履重園柳助詩玄勉力酬知己昌朝正急賢
讀賈區賈島集

區終不下島島亦不多區冷格俱無敵貧根亦似愚

青雲終歎命白閣久圍鑪今日成名者還堪爲爾吁
送衲僧之江西

索索復索索無憑却有憑過溪遭惡雨乞食得乾菱
祇有山相伴終無事可仍如逢梅嶺日向道祇寧馨
故林偶作

朗吟無一事孤坐澱江墳媚世非吾道良圖有白雲
蠹魚開卷落啄木隔花聞唯寄壺中客金丹許共分
寄栖白大師二首

流浪江湖久攀緣歲月闌高名當世重好句逼人寒

月苦蟬聲嘎鐘清柿葉乾龍鍾千萬里擬欲訪師難
蒼蒼龍闕晚九陌雜香塵方外無他事僧中有近臣
青門玉露滴紫閣錦霞新莫話三峰去澆風正蕩滄
送人之渤海

國之東北角有國每朝天海力浸不盡夷風常宛然
山藏羅刹宅水雜巨鼈涎好去吳鄉子歸來莫隔年

寄李道士

常見高人說猶來不偶然致身同槁木話道出忘詮
長嘯仙鐘外眠檀海月邊倘脩陰姪姪一望寄余焉

秋送夏郢歸錢塘

歸客指吳國風帆幾日程
新詩陶雪字玄髮有霜莖
微月生滄海殘濤傍石城
從茲江島意應續子陵名

送僧歸翠微

祇衲一箇衲翠微歸舊岑
不知何歲月卽得到師心
逕遶千峰細菴開亂木深
倘然雲外老他日亦相尋

經友生墳

多君墳在此令我過悲涼
可惜爲人好剛須被數將
白雲從塚出秋草爲誰荒
不覺頻回首西風滿白楊

懷洛下盧縉雲

一減三張價幽居少室前豈應貧似我不得信經年
木落多詩藁山枯見墨煙何時深夜坐共話草堂禪

送李鋤赴舉

詩業務經綸新皆意外新因知登第榜不著不平人
句得孤舟月心飛九陌塵明年相賀日應到曲江濱

寶禪師見訪

山兄心似我岸谷亦難交不見還相憶來唯添寂寥
茶煙粘衲葉雲水透蘅茆因話流年一作陽事斯須不

可拋

觀碁

逸格格難及半先相遇稀
落花方滿地一局到斜暉
褚胤死不死將軍飛已飛
今朝慙一行無以造玄微

題一上人經閣

鳥外何須去衣如蘚亦從但
能無一事卽是住孤峰
雨歇雲埋閣月明霜灑松
師心多似我所以訪師重
和毛學士舍人早春

陋巷冬將盡東風細雜籃
解牽窗夢遠先是澗梅
諳

茶癖金鑄快

舍人有茶譜

松香玉露含書齋山帚擷盤饌

藥花甘雅得琴中妙

舍人妙于七弦

常接臉似酣雪消聞苦

蟄氣候似宜蠶密勿須清甲朝歸遶碧潭丹心空拱

北新作繼周南竹杖無斑點紗巾不著簪大朝名益

重後進力皆覃至理雖亡一臣時亦說三不知門下

客誰上晏嬰驂

禪月集卷八

禪月集卷九

唐釋貫休撰 郡後學胡鳳丹月樵校梓

壽春進祝聖七首

千載降祥

九天宮上聖降世共昭回
萬彙須亭毓羣仙送下來
承乾當否極庶事盡康哉
祇有羲軒比其餘不可陪
文有武備

武宿與文星常如掌上擎
孫吳機不動周邵事多行
盱食爐煙細宵衣隙月明
還聞夔進曲吹出泰階平

從諫如流

及雷龍鱗動君臣道義深
萬年軒后鏡一片漢高心
北狄皆輸款南夷盡貢琛
從茲千萬歲枝葉玉森森
搜揚草澤

俟時兼待價垂棘出塵埃
仄席三旌切移山萬里來
煙霞衣上落闔闔雪中開
壽酒今朝進無非出世才
守在四夷

天將興大蜀有道遂君臨
四塞同諸子三邊共一心
闍婆香似雪迴鶻馬如林
曾讀前皇傳巍巍冠古今

大興三教

瞳瞳懸佛日天候動雲韶
縫掖諸生集麟洲羽客朝
非煙生玉砌御柳吐金條
擊壤翁知否吾皇卽帝堯

山呼萬歲

聲教無爲日山呼萬歲聲
隆隆如谷響合合似雷鳴
翠拔爲天柱根盤倚鳳城
恭唯千萬歲歲歲致昇平

早秋夜坐

微涼砧滿城林下石牀平
髮豈無端白詩須出世清
鄰僧同樹影砌月浸蛩聲
獨自更深坐無人知此情

早起

夜坐還早起寂寥多病身
神清尋夢在香極覺花新
樹露繁於雨溪雲動似人
又知何處客軋軋轉征輪

秋晚野步

閑步不覺遠蕭蕭木落初
詩情拋閩闕江影動襟裾
閣北鴻行出霞西雨脚疎
金峰秋更好乞取又何如

晚望

曠望危橋上微吟落照前
煙霞濃浸海川岳闊連天
白鳥格不俗孤雲態可憐
終期將爾輩歸去舊江邊

寄翰林陸學士

顏冉商參甲鸞鳳密
勿才簾垂仙鳥下
吟次聖人來
寶輦千官捧
宮花九色開
何時重一見
爲我話蓬萊

贈造微禪師院

蒼蘊氣雍雍
門深聖澤重
七絲奔小嶼
五字逼雕龍
藥轉紅金鼎
茶開紫閣封
圭峰爭去得
卿相日憧憧

南海晚望

海上聊一望
舶帆天際飛
狂蠻莫挂甲
聖主正垂衣
風惡巨魚出
山昏羣獠歸
無人知此意
吟到月騰輝

寄廬山大願和尚

石上桂成叢師菴在桂中皆云習鑿齒未可扣真風
雪洗香鑪碧霞藏瀑布紅何時甘露偈一寄剡山東
懷薛尚書兼呈東陽王使君

得力未得力高吟夏又殘二毛非自出萬事到詩難
蟬見木葉落雷將雨氣寒何妨槌琢後更獻至公看

上馮使君水晶數珠

泠泠瀑滴清貫串有規程將諷觀空偈全勝照乘明
龍神多共惜金玉比終輕願在立暉手常資物外情

送明覺大師兼寄鄭山人

去去楞伽子春深道路長
鳥啼青嶂險花落紫衣香
此去非餘事還歸內道場
馮師將老倒一向說滎陽

廬山尋靈紀不遇

久別稀相見深山道益孤
葉全離大朴君尙在新吳
鐘噓聲飄驛山頑氣噴湖
畱詩如和得一望寄前途

題曹溪祖師堂

皎潔曹溪月嵯峨七寶林
空傳智藥記豈見祖禪心
信衣非苧麻白雲無知音
大哉雙峰溪萬古青沈沈

懷匡山道侶

常憶將吾友穿雲過瀑西有碑皆讀徹無處不相攜
檉桂株株溼猿猱箇箇啼等閑成遠別窗月又如珪

懷盧延讓

時延讓新及第

冥搜忍飢凍嗟爾不能休幾歎不得力到頭還白頭
姓名歸紫府妻子在滄洲又是蟬聲也如今何處遊

春晚訪鏡湖方干

幽居湖北濱相訪值殘春路遠諸峰雨時多擲鼈人
蒸花初釀酒漁艇劣容身莫訝頻來此伊余亦隱淪

秋過相思寺

見說相思寺今來似有期瘴鄉終有出天意固難欺
晝雨先花島秋雲挂戍旗故人多在蜀不去更何之

禪月集卷九

卷九

五

藏板

禪月集卷十

唐釋貫休撰

郡後學胡鳳丹月樵校梓

蜀王入大慈寺聽講

天復三年作

玉節金珂響似雷
水晶宮殿步裴回
祇緣支遁談經

妙所以許詢都講來
帝釋鏡中遙仰止

善法堂前有七寶鏡照四

天魔軍殿上動崔巍
千重香擁龍鱗立
五種風生錦

繡開

上界天王欲下游行時先有三種風生一開其樓臺殿閣二香氣芬馥三吹去萎花更雨新者

寬似大溟生日月秀如四岳出塵埃
一條紫氣隨高

步九色仙花落古臺
謝太傅須同八凱
姚梁公可並

三台登樓喜色禾將熟望國誠明首不迴駕馭英雄
如赤子雌黃賢哲貢瓊瑰六條消息心常苦一劔晶
熒敵盡摧木鐸聲中天降福景星光裏地無災百千
民擁聽經座始見重天社稷才

蜀王登福感寺塔三首

天資忠孝佐金輪香火空王有宿因此世喜登金骨
塔前生應是育王身佛記育王造四萬八千塔封疆歲暮笙歌合
襦袴正初錦繡新釋子沾恩無以報祇擎章句貢平

津

似聖悲增道不窮
憂民憂國契堯聰
兩髯有雪丹霄外
萬里無塵一望中
南照微明連莽蒼
峨眉擁秀接崆峒
林僧歲月知何幸
還似支公見謝公
步步層層孰可陪
相輪邊日照三台
喜歡烝庶皆相逐
惆悵鑿輿尙未迴
金鐸撼風天樂近
仙花含露瑞煙開
一年一度常如此
願見文翁百度來

少監三首

器琢仙珪美有餘
席珍國寶比難如
銜花乳燕看調瑟
衣錦佳人侍讀書
荀氏門風龍變化
謝家庭樹玉

扶疎卽期寰海隆平日歸佐吾皇侍玉除

益友相隨益自強趨庭問禮日昭彰袍新宮錦千人
目馬駿桃花一巷香偏愛曾顏終必及或如韓白亦
無妨八龍三虎森如也萬古千秋瑞聖唐

具體而微太少年鳳毛五色帶非煙倚天長劍看無
敵遶樹號猿已應弦接士開襟清聖熟分題得句落
花前卽應出將傳家法聖澤恩波浩浩然

再到鍾陵作

六七年來到豫章舊遊知己半凋傷春風還有花千

樹往事都如夢一場無限丘墟侵郭路幾多臺榭浸
湖光祇應唯有西山色依舊崔巍上寺牆

經弟妹墳

第五句
缺二字

淚不曾垂此日垂山前弟妹塚離離年長於吾未得
力家貧拋爾去多時鴻衝霜中斷蕙雜黃蒿塚
上哀恩愛苦情拋未得不堪回首步遲遲

到蜀與鄭中丞相遇

深隱猶爲未死灰遠尋知己遇三台如何麋鹿羣中
出又見鷓鴣天上來劒閣霞粘殘雪在錦江香甚百

花開謾期王謝來相訪不是支公出世才

別馮使君

瓦礫文章豈有媒兩三年祇在金臺本師頭白須歸
去太守門清願再來皓皓玉霜孤鴈遠蕭蕭松島片
帆開從茲林下終無事唯祇焚香祝上台

上新定宋使君

禪坐吟行誰與同杉松共在寂寥中碧雲詩裏終難
到白藕花經講始終水疊山層擎草疏砧清月苦立
霜風十年勤苦今酬了得句桐江識謝公

和李判官見新榜爲兄下第

失意荆枝滴淚頻
陟岡何翅不知春
心中岐路平如砥
天上文章妙入神
休說宋風迴鷓首
卽看雷火燎龍鱗
從茲相次紅霞裏
畱取方書與世人

送羅鄴赴許昌辟

方得論心又別離
黯然江上步遲遲
不堪迴首崎嶇路
正是寒風敝錯時
美似郗超終有日
去依劉表更何疑
前程不少南飛鴈
聊寄新詩慰所思

酬韋相公見寄

鹽梅金鼎美調和詩寄空林問訊多秦客奕棊拋已
 久楞嚴禪髓更無過萬般如幻希先覺一丈臨山且
 奈何日到天心乃相公之日空諷平津好珠玉不知
 更得及門麼老僧日去山乃一丈耳

酬張相公見寄

周郎懷抱好知音常愛山僧物外心閉戶不知芳草
 歇無能唯擬住山深感通未合三生石騷雅歡擎九
 轉金但似前朝蕭傲與蔣紳老僧風雪亦相尋

酬王相公見贈

孤拙將來豈偶然不能爲漏滴青蓮一從麟筆題牆
後常祇冥心古像前九德陶鎔空有跡六窗清淨始
通禪今朝幸捧瓊瑤贈始見玄中更有玄

酬周相公見贈

三界無家是出家豈宜拊鳳觀新麻幸生白髮逢今
聖曾夢青蓮映玉沙境陟名山烹錦水睡忘東白洞
平茶喜擎繡段攀金鼎謝眺餘霞始是霞

道情偈三首

崆峒老人專一一黃梅真叟却無無獨坐松根石頭

上四溟無限月輪孤

非色非空非不空空中真色不玲瓏可憐盧大擔柴
者拾得驪珠橐籥中

優鉢羅花萬劫春頻犁田地絕纖塵道吾道者相招
好不是香林採葉人

馬上作

柳岸花堤夕照紅風清襟袖轡璫瓏行人莫訝頻迴
首家在凝嵐一點中

道中逢乞食老僧

赤櫻欄笠眉毫垂挂柳栗杖行遲遲時人祇施盃中
飯心似白蓮那得知

秋末寄武昌一公

見說武昌江上住柏枯槐朽戰時風知師詩癖難醫
也霜灑蘆花明月中

陋巷

墜葉如花欲滿溝破籬荒井一蟬幽亦知希驥無希
者作麼令人強轉頭

終南僧

聲利掀天竟不聞
草衣木食度朝昏
遙思山雪深一丈
時有仙人來打門

聽僧彈琴

家近吳王古戰城
海風終日打牆聲
今朝鄉思渾堆積
琴上聞師大蠨行

漁者

風惡波狂身似閑
滿頭霜雪背青山
相逢畧問家何在

回指

一作觀

蘆花滿舍

一作蒼莽

閒

大蜀皇帝潛龍日
述聖德詩五首

嶽瀆殊祥日月精入堯金鏡佐休明衣嚴黼黻皇恩
重劔折芙蓉紫氣橫玉鬘金湯山岳峻花藏臺榭管
茲清已聞圖上凌煙閣寵渥穹窿玉不名

扶持社稷似齊桓百萬雄師貴可觀神智發中真莫
測貢輸天下學應難風清鼙角

肅神龍草

木寒堪羨蜀民恒有福太平時節一般般

第五句缺
三字第六

句缺一字

珠履三千侍玉除

一作坐隅宮一作棠

花飄錦早鶯初雖然

周孔心相似其奈龔黃政不如浩浩歌謠聞禁掖重

重襦袴滿樵漁若論朝野艱難日第一之功美有餘
紫髯青眼代天才韓白孫吳稍可陪祇見赤心堯日
下豈知真氣梵天來聽經瑞雪時時落登塔天花步
步開盡祝莊椿同壽考人閒歲月豈能催

丈夫勛業正乾坤麟鳳龜龍盡在門西伯最憐耕讓
畔曹參空愛酒盈樽心慈爲受金仙囑髮白緣酬玉
砌恩從此于門轉高大可憐子子與孫孫

陳情獻蜀皇帝

河北江東

一作河南

處處災唯聞全蜀勿

少一作

塵埃一餅

一鉢垂垂老干水千山得得來柰苑一作秦苑幽棲多勝

景巴歛陳貢媿非才自慙林藪龍鍾者亦得親登郭

隗臺

壽春節進大蜀皇帝五首

上玄大帝降坤維箕尾為臣副聖期豈比赤光盈室

日全同白象下天時文經武緯包三古日角龍顏遏

四夷今日降神天上會願將天福比須彌

異香滴露降紛紛紫電環樞照禁門先冠百王臨億

兆後稱十號震乾坤義軒之道方為道草木沾恩始

是恩今以謏才歌睿德猶如飲海妙難論

茂祉遐宣勝事并薰風微入舜苙清四洲不必歸王
化一統那能計聖情合合鼓鐘膏雨滴峩峩宮闕瑞
煙橫西逾昆岳東連海誰不梯山賀聖明
遠人玉帛盡來歸及物天慈物物肥春力遍時皆甲
拆王言聞者盡光輝家家錦繡香醪熟處處笙歌乳
燕飛爲報蜀皇勤禱祝聖明天子古今稀

積劫脩來似煉金爲皇爲帝萬靈欽能當濁世爲清
世始見君心是佛心九野黎民耕浩浩百蠻朝騎日

駸駸今朝獻壽將何比願似莊椿一萬尋

對雪寄新定馮使君二首

仙掌空思歸未能焚香冥目對殘燈豈知瑞雪千山
合空覺春寒半夜增翳月素雲埋粉堞堆巢孤鶴下
金繩因思太守憂民切吟對瓊枝喜不勝

政化由來通上靈豐年祥瑞滿窗明氣巖坐久燈凝
燄片大更深屋作聲飄掩煙霞何處去敲斜杉竹向
簾傾雪林中客雖無事還有新詩半夜成

送劉相公朝覲二首

九苞仙瑞曜垂衣一品高標百辟師魏相十思常自
切曹溪一句幾生知公深入禪理久交玉帳雖難別須佐

金輪去已遲唯杜荊州最惆悵柳門迴首落花時

急徵祇是再登庸生意人心萬國同燮理久徵殷傅
說譚真欲過李玄通程穿峴首春光老馬速商於曙
色紅從此龍顏又應瘦寰瀛俱荷代天功

避寇遊成福山院

成福僧畱不擬歸獼猴菌嫩豆苗肌那堪蠶月偏多
雨況復衢城未解圍時孫端國逼衢城數月翠擁檣籬泉亂入

雲開花鳥雉雙飛堪嗟大似悠悠者祇向詩中話息
機

別李常侍

楚水和煙海浪通又擎杯錫去山東道情雖擬攀孤
鶴詩業那堪至遠公夢入深雲香雨滴吟搜殘雪石
林空朱門再到知何日一片征帆萬里風

送鄭閣赴閩辟

便便書腹德無鄰健筆從知又入閩鸚鵡才須歸紫
禁眞珠履不稱清貧武夷山夾仙霞薄螺女潭通海

樹春從此應多好消息莫忘江上一閑人

寄信州張使君

水壇榿殿地含煙領鶴行吟積翠閒數閣涼颺終日
去滿懷明月上方還時來自有鷓鴣識道在從如草
木閑唯羨靈溪賢太守一麾清坐似深山

春末寄周璉

暮角含風雨氣曛寂寥莓翠上衣巾道情不向鶯花
薄詩意自如天地春夢入亂峰仍履雪吟看芳草祇
思人手中孤桂月中在來聽泉聲莫厭頻

讀吳越春秋

猶來吳越盡須慙背德違盟又信讒宰嚭一言終殺
伍大夫七事祇須三功成獻壽歌飄雪誰愛扁舟水
似藍今日雄圖又何在野花香徑鳥喃喃

春遊靈泉寺

水蹴危梁翠擁沙鐘聲微徑入深花嘴紅澗鳥啼芳
草頭白山僧自扞一作杵茶松色摧殘遭賊火水聲幽
咽落人家寺因泉得名自經沙汰其泉落在人家因尋古跡空惆悵滿

袖香風白日斜

歸東陽臨歧上杜使君七首

小謝清高大謝才聖君令泰此方來一從到後常無
事鈴閣公庭滿綠苔

紅錦帳中歌白雪烏皮几畔撫青英不知何物爲心
地賽却澄江徹底清

誰報田中有黑蟲一家齋戒滅仙容分憂若也皆如
此天下家家有賸春

憂民心切出衝炎禾稼如雲喜氣兼林下閑人亦何
幸也隨旌旆到銀尖

銀尖去郭
二十里

方恐獄中桃樹出忽聞枯木却生煙時有枯木再生褚祥爲
郡曾如此却恐當時是偶然

枯骨縱橫遍水湄盡收爲塚碧參差分明爲報精靈
輩好送旌旗到鳳池

捨魯依劉一片雲好風吹去遠纖塵猶期明月清風
夜來作西園第八人

禪月集卷十

卷一

三

藏板

禪月集卷十一

唐釋貫休撰

郡後學胡鳳丹月樵校梓

春

自來自去動洪鑪無象無私無處無迴鴈不多消氣
力染花應最費工夫溟濛便恨豪家惜濃暖深爲政
筆驅莫訝相逢只添睡伊余心不在榮枯

聞迎眞身

四海無波入表臣恭聞今歲禮眞身七重鎖未開金
鑰五色光先入紫宸丹鳳樓臺飄瑞雪岐陽草木亞

香塵可憐優鉢羅花樹三十年來一度春

灞陵戰叟

劍刃秋水鬢梳霜回首胡天與恨長
官竟不封右校尉鬪曾生挾左賢
王尋班超傳空垂淚讀李陵書更
斷腸今日灞陵陵畔見春風花霧共茫茫

遇道者

鶴骨松筋風貌殊不言名姓絕榮枯
尋常藜杖九衢裏莫是商山一皓無
身帶煙霞游汗漫藥兼神鬼在葫蘆
只應張果支公輩時復相逢醉海隅

贈鍾陵陳處士

否極方生社稷才
唯譚帝道鄙梯媒
高吟千首精怪
動長嘯一聲天地開
湖上獨居多草木
山前頻醉過
風雷吾皇仄席求
賢久莫待徵書
兩度來

懷鄰叟

常思東溪癩眉翁
是非不解兩頰紅
桔槔打水聲嘎
嘎紫芋白薤肥濛濛
鷗鴨靜遊深竹裏
兒孫多在好
花中千門萬戶皆
車馬誰愛如斯
太古風

贈軒轅先生

曾親文景上金鑿語共容城語一般久向紅霞居不
出若非清世見應難滿鑪藥熟分仙盡幾局碁終看
海乾略問先生真甲子只言弟子是劉安

偶作因懷山中道侶

是是非非竟不真桃花流水送青春姓劉姓項今何
在爭利爭名愁殺人必竟輸他常寂默只應贏得苦
沈淪深雲道者相思否歸去來兮湘水濱

送新羅人及第歸

捧桂香和紫禁煙遠鄉程徹巨鼇邊莫言挂席飛連

夜見說無風卽數年衣上日光真是火島旁魚骨大
於船到鄉必遇來王使與作唐書寄一篇

送新羅衲僧

扶桑枝西真氣奇古人呼爲師子兒六環金錫輕擺
撼萬仞雪嶠空參差枕上已無鄉國夢囊中猶挈石
頭碑南岳石頭大師劉
珂郎中作碑文也多慙不便隨高步正是風清
無事時

春晚桐江上閑望作

江上車聲落日催紛紛擾擾起紅埃更無人望青山

立空有帆衝夜色來沙鳥似雲鐘外去汀花如火雨中開可憐瀟灑鴟夷子散髮扁舟去不迴

商山道者

五千言外得立音石屋寒栖隔

一作得

雪林多傍松風

梳綠髮只燒崖藥點黃金澄潭龍氣來縈砌月冷星精下聽琴曾夢先生非此處碧桃溪上紫煙深

聞許棠及第因寄桂雍

時清道合出塵埃清苦爲詩不仗媒今日桂枝平折得幾年春色併將來勢扶九萬風初極名到三山花

正開更有平人居蟄屋還應爲作一聲雷

澱江秋居作

無事相關性自攄庭前拾葉等閑書青山萬里竟不
足好竹數竿涼有餘近看老經加澹泊欲歸少室復
何如面前小沼清如鏡終養琴高赤鯉魚

上縉雲段使君

清畏人知人盡知縉雲三載得宣尼活民刀尺雖無
象出世文章豈有師朮氣芝香粘甕榼雲痕翠點滿
旌旗今朝暫到金臺上頗覺心如太古時

春末蘭谿道中作

山花零落紅與緋汀煙濛茸江水肥人擔犁鋤細雨
歇路入桑柘斜陽微深喜東州云寇去時黃連洞人出燒劫處州
卻不知西狩幾時歸清平時節何時是轉覺人心與
道違

野居偶作

高淡清虛卽是家何須須占好煙霞無心於道道自
得有意向人人轉餘風觸好花文錦落砌橫流水玉
琴斜但令如此還如此誰羨前程未可涯

再遊東林寺作五首

臺殿參差聳瑞煙
桂花飄雪水潺潺
莫疑遠去無消

息七萬餘年始半年

傳記盡云安遠持焚三車盡生兜率天人間四千年彼天一晝

夜亦三十日為一月十二月為一年壽四千歲

桓玄舊輦殘雲溼
耶舍孤墳落照遲

昔桓玄入山禮遠公遂捨輦至

今在遠公堂下有箇山僧倚松睡
恐人來取白猿兒

玉像珠龕香陣橫
錦霞多傍石牆生
辟蛇行者今何

在花裏唯聞鳩

一作鳩聲

愛陶長官醉兀兀
送陸道士行遲遲
買酒過溪皆破

戒斯何人斯師如斯遠公高節食後不飲蜜水而將

送客不以貴賤不過虎溪而送陸靜脩道士過虎溪數百步今寺門前有道士岡送道士至此止也

白簷葡萄花露滴滴紅一作碧苾芻草香一作雨濛濛田地

更無塵一點是何人合住其中

題蘭江言上人院二首時王藹先輩有詩二首題其院因和題之

一生只著一麻衣道業還欺習彥威手把新詩說山

夢石橋天柱雪霏霏

只是危吟坐翠層門前歧路自崩騰青雲名士時相

訪茶煮西峰瀑布冰

中秋十五夜月

巽雪噴霜滿碧虛
王孫公子翫相呼
從來天匠為輪足
自是人心此夜餘
靜入萬家危露滴
清埋眾象叫鴻孤
坐來惟覺情無極
何況三湘與五湖

鷺鷥有懷

前東陽王慥使君養一鷺鷥名瑶花

粉魄霜華為爾枯
鴛鴦相伴更堪圖
愛來沙島遺銀屋
終作金籠養雪鷓
栖宿必多清瀨夢
品流還次白猿徒
今朝不覺頻回首
曾伴瑤花近玉壺

東陽罹亂後懷王慥使君五首

第三句缺一字

昨來祇對漢諸侯勝事消磨不自由裂地鼓鞞軍

急連天烽火陣雲秋斫毛淬劍雖無數歃血爲盟不

到頭誰爲今朝奉明主使君司戶在隋州時黃巢奔許公點土

勇救萬禦押于歃血連西而渠魁詐降都將連城爲盟違約遂於戍地當不與衢睦杭守同貶中也

只報精兵過大河東西南北殺人多可憐白日渾如

此來似蝗蟲爭奈何天意豈應容叛亂人心都改太

凋訛不勝惆悵還惆悵一曲東風月勝歌

爲郡無如王使君一家清冷似雲根貨財不入崔洪

口俎豆嘗聞夫子言鬚髮坐成三載雪黎氓空負二

天恩不堪西望西風起縱火崑崙誰爲論
魄懾魂飛骨亦銷此魄此魄亦難招黃金白玉家家
盡繡闥雕甍處處燒驚動乾坤常黯慘深藏山岳亦
傾搖恭聞國有英雄將擬把何心荅聖朝
不是龔黃覆育才卽須清苦遠塵埃無人與奏吾皇
去致亂唯因酷吏來剗剗生靈爲事業巧通豪譜作
梯媒令人轉憶王夫子一片眞風去不迴

秋夜懷嵩少因寄洛中舊知

鑪爇旃檀不稱貧罪罪玉露溼禪巾紫金地上三更

月紅藕香中一病身
少室少年偏入夢
多時多事去無因
如今憔悴頭成雪
空想嗟峨羨故人

避地毘陵寒月上
孫徽使君兼寄東陽王使君

三首

一到毘陵心更勞
冷吟閑步擁雲袍
豈緣思妙塵埃少
自是風清物態高
野色疎黃連楚甸
故山奇碧隔河橋
終須愚谷中安致
不是人間好羽毛

常憶雙溪八詠前
講詩論道接清賢
文欺白鳳真難及
藥撚紅蕖豈偶然
花溼瑞煙黏玉磬
簾垂幽鳥啄

苔錢自憐不是悠悠者吟嚼眞風二十年

雷車雨滴階聲寂寞焚香獨閉扇錦繡文章無路
達袴襦歌詠隔牆聽松聲冷浸茶軒碧苔點狂吞納
線青唯有孤高江太守不忘病客在禪靈

首句缺一字

秋末寄上桐江馮使君

山東山色勝諸山謝守清高不可攀薄俗盡于言下
泰苦心唯到醉中閑香凝錦帳抄書後月轉棠陰送
客還野客霑恩歸未得蕭蕭霜葉滿柴關

禪師

擊鼓求亡益是非木中生火更何爲吾師別是醍醐
味不是知心人不知

道士

花島相逢滿袖雲藉花論道過金巾騰騰又入仙山
去只恐是青城丈人

風琴

至境心爲造化功一枝青竹四弦風寥寥雙耳更深
後如在緱山明月中

庭橘

蟻踏金苞四五株
洞庭山上味何殊
不緣松樹稱君子
肯便甘人喚木奴

落花

蝶醉蜂癡一簇香
繡葩紅蒂墮殘芳
因嗟好德人難得
公子王孫盡斷腸

孤雲

將比鷺鷥還恐屈
始思殘雪不如多
清風相引去更遠
皎潔孤高奈爾何

苦吟

河薄星疎雪月孤松枝清氣入肌膚因知好句勝金
玉心極神勞特地無

古戰處

鬼氣蒼黃棘葉紅昔時人血此時風相憐極目無疆
地曾落將軍一陣中

偶然作

蟬聲引出石中蛩寂寞門扃葉數重誰道思山心不
切等閑盡出

一作畫作兩三峰

招友人宿

銀地無塵金菊開紫梨紅棗墮莓苔一泓秋水一輪
月今夜故人來不來

禪月集卷十一

無以果發十一

...

...

...

...

...

...

...

...

禪月集卷十二

唐釋貫休撰

郡後學胡鳳丹月樵校梓

山居詩二十四首

并序

愚咸通四五年中於鍾陵作山居詩二十四章
放筆藁被人將去厥後或有散書于屋壁或吟
咏於人口一首兩首時時聞之皆多字句舛錯
洎乾符辛丑歲避寇於山寺偶全獲其本風調
野俗格力低濁豈可聞於大雅君子一日抽毫
改之或畱之除之脩之補之却成二十四首亦

藏板
斐然也蝕木也槩山謳之例也或作者氣合始
爲一朗吟之可也

休話諠譁事事難山翁只合住深山數聲清磬是非
外一箇閑人天地閒綠園空階雲冉冉異禽靈草水
潺潺無人與向羣儒說一作爲向岩桂枝高亦一作
好扳一作

難

誰一作

是言休即便休清吟孤坐碧溪頭三間茆屋

無人到十里松陰

一作

獨自遊明月清風宗炳社夕

陽秋色庾公樓脩心未到無心地萬種千般逐水流

好鳥聲長睡眼開好茶擎乳坐莓苔不聞榮辱成番
盡只見熊羆作隊來詩裏從前欺白雪道情終遣似
嬰孩由來此事知音少不是真風去不迴

萬境忘機是道華碧芙蓉裏日空斜幽深有徑通仙
窟寂寞無人落異花掣電浮雲真好喻如龍似鳳不
須誇君看江上英雄塚只有松根與柏槎

鞭後從他素髮兼湧清奔碧冷侵簾高奇章句無人
愛澹泊身心舉世嫌白石橋高吟不足紅霞影暖臥
無厭居山別有非山意莫錯將予比宋纖

鳥外塵中四十秋亦曾高挹漢諸侯如斯標致雖清
 拙大丈夫兒合自由紫朮黃菁苗戢戢錦囊香麝語
 啾啾終須心到曹溪叟千歲楮根雪滿頭
 慵甚嵇康竟不迴何妨方寸似寒灰山精日作兒童
 出仙者時將玉器來筠帚埽花驚睡鹿地壚燒樹帶
 枯苔不行朝市多時也許史金張安在哉

心心心不住希夷石屋

一作室

巉巖鬢

一作白

髮垂養

一作

惜

竹不除當路筍愛松畱得礙人枝焚香開卷霞

一作

雲

生砌捲箔冥心月在池多少

一作無限

故人頭盡白不

知今日一作頭白又何之

龍藏琅函遍九垓
霜鐘金鼓振瓊臺
堪嗟一句無人得
遂使吾師特地來
無角鐵牛眠少室
生兒石女老黃梅
令人轉憶龐居士
天上人間不可陪

五嶽煙霞連不斷
三山洞穴去應通
石窗敲枕疎疎雨
水碓無人浩浩風
童子念經深竹裏
獼猴拾蠶父陽中
因思往事拋心力
六七年來楚水東

塵埃中更有埃
塵時復雙眉十爲顰
賴有年光飛似箭
是何心地亦稱人
回賢參孝時時說
蜂蠱狼貪日

日新天意剛容此徒在不堪惆悵不堪陳

翠竇煙巘

一作霞

畫不成桂華瀑沫雜芳馨撥霞掃雪

和雲母掘石移松得茯苓好

一作似

烏傍花窺玉磬嫩

苔和

一作如

水沒

一作汲

金餅從他人說從他笑地覆天

翻也只寧

騰騰兀兀步遲遲兆朕消磨只自知龍猛金膏雖未

作孫登土窟且相宜薜蘿山帔偏能緇橡栗年糧亦

且

一作粗

支已得真人好消息人閒天上更無疑

嵐嫩風輕似碧紗雪樓金像隔煙霞葛苞玉粉生香

壠菌簇銀釘滿淨植舉世只知嗟逝水無人微解悟

空花可憐擾擾塵埃裏雙鬢如銀一作絲事似麻

千巖萬壑路傾欹杉檜濛濛獨掩扉斷藥童穿溪罅

去採花蜂冒曉煙歸閑行放意尋流水靜坐支頤到

落暉長憶南泉好言語如斯癡鈍者還稀南泉大師云學道之

人癡鈍者難得

一菴冥目在穹冥菌枕松牀蘚陣青乳鹿暗行禳徑

雪瀑泉微濺石樓經閑行不覺過天井長嘯深能動

岳靈應恐無人知此意非凡非聖獨醒醒

慵刻芙蓉傳永漏休誇麗藻鄙湯休且爲小圃盛紅
粟別有珍禽勝白鷗拾栗遠尋深澗底弄猿多在小
峰頭不能更出塵中也百煉剛爲繞指柔

業薪心火日燒煎浪死虛生自古然陸氏稱龍終妄
矣漢家得鹿更空焉白衣居士深深說青眼胡僧遠
遠傳剛地無人知此意不堪惆悵落花前

露滴紅蘭玉滿畦閑拖象屣到峰西但令心似蓮花
潔何必身將槁木齊古壑細煙紅樹老半岩殘雪白
猿啼雖然不是桃源洞春至桃花亦滿蹊

自休自已

一作了

自安排常願居山事偶諧僧採樹衣

臨絕壑

金華山出樹衣僧多採為蔬菜味極美也

狃爭山果落空階閑擔

茶器緣青障靜衲禪袍坐綠崖虛作新詩反招隱出

來多與此心乖

石鑪金鼎紅蕖嫩香閣茶棚綠巘齊塢燒崩騰奔澗

鼠岩花狼籍鬪山雞蒙莊環外知音少阮籍途窮旨

趣低應有世人來覓我水重山疊幾層迷

自古浮華能幾幾

一作朝

逝波終日去滔滔漢王廢苑

生秋草吳主荒宮入夜濤滿屋黃金機不息一頭白

髮氣猶高豈知知足一作物外金仙子霞外一作甘露天香滿

滴一作毳袍

如愚何止直如弦只合深藏碧嶂前但見山中常有
雪不知世上是何年野人愛向菴前笑赤鬢頻來袖
畔眠只有逍遙好知己何須更問洞中天

支公放鶴情相似范泰論交趣不同有念盡為煩腦
相無私方稱水晶宮香焚蒼蘊諸峰曉珠招金剛萬
境一作象空若買山資言不及恒河沙劫用無窮

再逢虛中道士三首

天目西峯古壞壇壇邊相別雪漫漫如今四十餘年
也還共當時恰一般
囊裏靈龜小似錢道伊年與我同年壺中長挈天相
逐何處昇天更有天

吾道將君道且殊君鬚全似老君鬚尋常有語爭堪
信愛說蟠桃似甕麤

上盧使君二首

一領彤弓下赤墀惟將清淨作藩籬馬卿山岳金相
似張緒風情柳不如當作怨卑心染煙霞新句出筆驅奸

蠹宿根隳鄱陽黎庶還堪羨頭有重天足有甃

司馬遷文亞聖人三頭九陌碾香塵盡傳棣萼麟兼
鳳終作昌朝甫與申樓聳嬌歌疎雨過風含和氣滿
城春因知寰海昇平去又見高宗夢裏人

陪馮使君遊六首

登千霄亭

擁翠捫蘿山屐輕飄飄紅旆在青冥仙科朱紱言非
貴溪鳥林泉癖愛聽古桂林邊碁局溼白雲堆裏茗
煙青因思廬岳彌天客手把金書倚石屏

遊靈泉院

珂珮喧喧滿路歧
亂泉聲裏扣禪扉
對花語合希夷境
坐石苔黏黼黻衣
鳥啄古杉雲冉冉
風吹清磬露霏霏
惠巖亦有孤峯在
只戀繡經未得歸

過相思嶺

譽自馨香道自怡
相思嶺上卻無機
荒渠葉覆深霞在
片石人吟一鳥飛
何處風砧傳古曲
誰家塚樹挂斜暉
因思往事真堪笑
鶴背漁竿未是歸

錦沙墩

臨水登山興自奇，錦沙墩上最多時。雖云髮白孤峰好，其奈名清聖主知。草媚蓮塘資逸步，雲生松壑有新詩。翛然別是神仙趣，豈羨東山妓樂隨。

釣簪潭

境靜江清無事時，紅旌畫鷁動漁磯。心期只是行春去，日暮還應待鶴歸。風破綺霞山寺出，人歌白雪島花飛。自憐亦在僊舟上，玉浪翻翻濺草衣。

迎仙閣

澗香霞影遶樓臺，捲箔凭闌耳目開。況從旌旗近鸞

鳳可憐談笑出塵埃
火雲不入長松徑
露茗何須白
玉杯誰道迎仙仙
不至今朝還有謝公來

賀雨上王使君二首

一片丹心合萬靈
應時甘雨帶龍腥
驅塵斂燒連窮

電衝霓滿宵冥處
處已知倉廩溢家家
皆歇管

弦聽應須蚤勒南山石
黃霸清風滿內庭

第三句第四句各缺

一字

由來天贊德唯馨
朋禱心期事盡行
玄妙久聞談佛

母

公久與東村大願和尚談般若般若者佛母也

感通今日見神明
破除秋

熱飄蕭盡還似春時散漫傾他日爲霖亦如此諸生
無不沐經營

感懷寄盧給事二首

緜緜遠念近來多喜鵲隨函到綠蘿雖匪二賢曾入
洛忽驚六義減沈疴童扳鄰杏墮牆瓦燕啄花泥落
砌莎好更因人寄消息沃州歸去已蹉跎

常憶團團繡像前東歸經亂獨生全孤峯已住六七
處萬事無成三十年每想苑牆危逼路更思鉢塔曉
凌煙如今憔悴荆枝盡一諷來書一愴然

賀鄭使君

三衢蜂蠆陷城池八詠龍韜整武貔纔諭危亡書半

幅便思父母淚雙垂

時公檄書纔去即便歸降來款云思父母則血淚雙垂憶兄弟

乃江山

隔越 戈收甲束投仁境汗浹魂飄拜虎旗死地再

生知德重精兵連讞覺山移人和美叶禎祥出陣善
深爲典教推仗信輸誠方始是執俘折馘欲何爲清
威嚴令無纖埽長路深山不拾遺七邑恩波歌浩渺
一方雲物自鮮奇天文仰視同諸掌劍術無前更數
誰戰馬閑眠汀草遠秋聲乾揭岳霞隳義爲土地精

靈伏仁作金湯鐵石卑龔遂劉寬同煦嫗張飛關羽
太驅馳笙歌席上偏憐客刀劍林中亦念詩穀渚美
爲長飲水金山高作受降碑時猶草草秋方盡陳是
堂堂孰敢窺寵渥豈唯分節鉞勳庸須勒上鐘彝神
資天贊誰堪比名遂功成自不知捲箔倚闌雲欲雪
擁壚傾榼酒如飴扶堯社稷常憂老到郭汾陽亦未
遲釋子沾恩無以報只將葑菲賀階墀

送鄭使君

刺婺廉閩動帝臺唯將清淨作梯媒綠沈槍卓妖星

落白玉壺澄苦霧開仁愛久懸溪上月恩光又發嶺
頭梅天資劉邵龔黃筆神助韓彭衛霍才古驛劍江
分掩映畫旗花觚下喧豕鳳麟帟幕芙蓉坼洞壑清
威霹靂來禮樂封疆添禮樂塵埃時節勿塵埃荔支
花下驅千騎蒼荀林中禮萬迴時入安大師
在回院也視事蠻
奴磨玉硯邀賓海月射金杯謳歌合合千門樂鼙角
雄雄一閣雷君父恩深頭早白子孫榮襲日難陪東
陽緇素如何好空向生祠祝上台

贈楊公杜之舅

分盡君憂一不遺鳳書徵入萬民悲風雲終日如相
逐雨露前程卽可知畫舸還盛江革石秋山又看謝
安基談諧盡是經邦術頭角由來出世姿天地事須
歸橐籥文章誰得到采恩扣舷傍島清吟健問俗看
漁晚泊遲霞影滿江搖枕簟鳥行和月下漣漪周秦
漢魏書書在麟鳳龜龍步步隨金殿恩波將浩浩圭
峯意緒謾孜孜郡中條令春常在境外謠謠美更奇
道者藥鑪畱要妙林僧禪偈寄相思王楊盧駱真何
者房杜蕭張更是誰應念衢民千萬戶家家皆置一

生祠

遊金華山禪院

茲地曾棲菩薩僧
旃檀樓殿瀑崩騰
因知境勝終難到
問著人來恐不曾
斜谷暗藏千載雪
薄嵐常翳一龕燈
多慙不及當時海
又下嵯峨一萬層

寄鄭道士二首

常憶蘇眈好羽儀
信安山觀住多時
不知玉質雙棲處
兩箇仙人是阿誰

誰帶金輪髻裏珠
何妨相逐去清都
舊山大有閑田

地五色香茆有子無

送少年禪師二首

秀眉青目樹花衣一鉢隨緣智不知
佛與輪王嫌不作世閒剛有箇癡兒

萬水千山一鶴飛豈愁遊子暮何之
古今此著無人會王積新輸更不疑

古劔池

秋水蓮花三四枝我來慷慨步遲遲
不決浮雲斬邪佞真成龍去擬何爲

曹娥碑

高碑說爾孝應難彈指端思白浪閒堪歎行人不迴
首前山應是苧蘿山

比干傳

昏王亡國豈堪陳只見明誠不見身想得先生也知
自欲將畱與後來人

送人遊茆山

鳥啼花笑煖紛紛路入青雲白石門君到前頭好看

好老僧或恐是茆君

一作茅真舊宅基猶在藥竈苔
深土尙殷君見道人憑與問大

還還字
若爲還

聞杜宇

咽雨哀風更不停春光於爾豈無情
宜須喚得謝豹
出方始年年無此聲

聽曉角

三會單于滿閣風五行無忒月朦朧
如何十萬家休
戚只在嗚嗚咽咽中

宿赤松山觀題道人水閣兼寄郡守

珠殿香輶倚翠稜寒棲吾道寄孫登
豈應肘後終無

分見說仙中亦有僧雲斂石泉飛險竇月明山鼠下
枯藤還如華頂清談夜因有新詩寄鄭弘

春遊涼泉寺

一到涼泉未擬歸迸珠噴玉落階除幾多僧祇因泉
在無限松如潑墨爲雲塹含香啼鳥細茗甌擎乳落
花遲青山看著不可上多病多慵爭奈伊

經吳宮

夫差昏暗霸圖傾千古淒涼地不靈妖豔恩餘宮露
濁忠臣心苦海山青蕭條陵隴侵寒水彷彿樓臺出

卷十二
三
藏板
杳冥此是前車況非遠六朝何更不惺惺

送薛侍郎貶峽州司馬

得罪唯驚恩未酬夷陵山水稱閑遊人如八凱須當
國援到三聲不用愁花落扁舟香冉冉草侵公署雨
脩脩因人好寄新詩好不獨江東有沃州

將入匡山宿韓判官宅

一宿蘭堂接上才白雲歸去幾裴回黛青峯朵孤吟
後雪白猿兒必寄來簾卷茶煙縈墮葉月明碁子落
深苔明朝江上空迴首始覺清風不可陪

送鄭侍郎騫赴闕

文章國器盡琅玕朝騎駸駸歲欲殘
彩筆祇宜天上用繡衣偏稱雪中看
休驚斷鴈離三楚漸入祥煙下
七槃翰苑舊知憑與說紫金輪畔寄書難

上盧使君

一別旌旗已一年二林真子勸安禪
常思雙戟華堂裏還似孤峯峭壁前
步出林泉多吉夢帆侵分野入
祥煙自憐酷似隨陽鴈霜打風飄到日邊

寄匡山大願和尚

一聽玄音下竹亭，卻思窗雪與囊螢。祇將清淨酬恩德，敢信文章有性靈。夢歷山牀聞鶴語，吟思海上沙汀。不堪迴首滄江上，萬仞廬峯在杳冥。

別廬使君歸東陽二首

雨氣濛濛草滿庭，式微吟劇更誰聽。詩逢匠化唯貪住，日覺恩深不易銘。心苦祇應消鬢黑，夢遊頻入倚天青。從茲還似歸回首，唯祝台星與福星。

家在巖陵釣渚旁，細漣嘉樹拂窗涼。難醫林藪煙霞癖，又出芝蘭父母鄉。孤帆好風千里煖，深花黃鳥一

聲長終期金鼎調羹日再近
尼丘日月光

溪寺水閣閑眺因寄宋使君

溪木蕭條一凭闌
玉霜飛後浪花寒
釣魚船上風煙
暝古木林中砧杵乾
至竟道心方始是
空耽山色亦
無端誰如太守分
憂外時把西經盡
日看

春送趙文觀送故合州座主神櫬歸洛

喜繼于悲錦水東
還鄉仙騎卻尋嵩
再燒良玉堯雲
動方報深恩絳帳空
遠道靈輜春欲盡
亂山羸馬恨
無窮他年必立吾君側
好把書紳答至公

警光大師草書歌

雪壓千峯橫枕上窮困雖多還激壯看師逸蹟兩相

宜高適歌行李白詩海上驚驅山猛燒

一作海上風驚驅猛燒

吹斷狂煙著沙草江樓曾見落星石幾回試發將軍
礮別有寒雕掠絕壁提上玄猿更生力又見吳中磨
角來舞槃盤刀初觸擊好文天子揮宸翰御製本多
推玉案晨開水殿教題壁題罷紫衣親寵錫僧家愛
詩自拘束僧家愛畫亦局促唯師草聖藝偏高一掬
山泉心便足

題成都玉局觀孫位畫龍

位東越人僖宗南巡隨入蜀後改名遇

我見蘇州崑山佛殿中金城柱上有二龍老僧相傳
道是僧繇手尋常入海共龍鬪又聞蜀國玉局觀有
孫遇蹟蟠屈身長八十尺遊人爭看不敢近頭覷寒
泉萬丈碧

觀地獄圖

峨峨非

一作水

劍閣有樹不堪攀佛手遮不得人心似

等閑周王應未雪白起作何顏盡日空彈指茫茫塵
世閒

贈雷卿張明府

任官征戰後度日寄閑身封卷還高客飛書問野人

廢田教種穀生路遣尋薪若起柴桑興無先漉酒巾

獻錢尙父

錢鏐自稱吳越國王休以詩投之鏐諭改爲四十州乃可相見休日州亦

難添詩亦難改閑雲孤鶴何天不可飛遂入蜀

貴逼人

一作身

來不自由龍驤鳳翥勢難收

一作幾年勤苦踏林

上滿堂花醉三千客一劔霜寒十四州鼓角揭天嘉

氣冷風濤動地海山秋東南永作金天柱

一作萊子衣裳宮錦

窄謝公篇詠綺霞羞他年名上凌煙閣

誰一作豈

羨當時萬戶侯

繡州張相公見訪

德符唐德瑞通天曾叱讒諛玉座前千襲彩衣宮錦
薄數牀御札主恩偏出師暫放張良箸得罪惟撐范
蠡船未報君恩終必報不妨金地禮青蓮

題某公宅

宅成天下借圖看始笑平生眼力慳地占百灣多是
水樓無一面不當山荷深似入茗溪路石怪疑行鴈
蕩閒只恐中原方鼎沸天心未遣主人閑

海覺禪師山院

人言海覺老宗師
隱絕層巔世莫知
青草不生行道跡
白雲常護坐禪扉
六環金錫飛來後
一派銀河瀉落時
借問大心能濟物
龍門風電捲天池

悼張道古

昭宗時道古官拾遺以直諫貶蜀中死

清河逝水太怱怱
東觀無人失至公
天上君恩三載隔
鑑中鸞影一時空
墳生苦霧蒼茫外
門掩寒雲寂寞中
惆悵斯人又如此
一聲蠻笛滿江風

月夕

霜月

一作殘

夜斐回樓中羌笛

一作管

催曉風吹不盡江

上落殘梅

夜雨

夜雨山草溼爽籟雜枯木閑吟竺仙偈清絕過于玉

晚望

落日碧江靜蓮唱清且閑更尋花發處借月過前灣

早霜寄蔡大

昨夜楚鐘鳴飛霜下楚城定知遷客鬢先向鑑中生

一作荒郊昨夜雪羸馬又須行四顧無人迹雞鳴第一聲

贈寫經僧楚雲

剔皮刺血誠何苦爲寫靈山九會文
十指瀝乾終七軸後來求法更無君

寄題詮律師院

以下見統籤

錦溪光裏聳樓臺
師院高凌積翠開
深竹杪聞殘磬
盡一茶中見數帆
來焚香只是看新律
幽步猶疑損綠苔
莫訝題詩又東去
石房清冷在天台

寄天台葉道士

負局高風不可陪
玉霄峯北置樓臺
注參同契未將出
尋榔栗曾多宿來
颼槭松風山棗落
閒關溪鳥尤

花開終須肘後相傳好莫便乘鸞去不迴

送道友歸天台

蘚濃苔溼冷層層珍重先生獨去登氣養三田傳未
得藥非八石許還曾雲根應狎玉斧子月逕多尋銀
地僧太守苦畱終不住可憐江上去騰騰

陶種柑橙令山童買之

高步南山南高歌北山北數載買柑橙山資近又足

春送僧

以下見汲古閣毛氏本

蜀魄關關花雨深送師衝雨到江潯不能更折江頭

柳自有青青松柏心

律師

蒼蘂花紅徑草青
雪膚冰骨步輕輕
今朝暫到焚香處
只恐牀前有蝨聲

書石壁禪居屋壁

赤旂檀塔六七級
白菡萏花三四枝
禪客相逢只彈指
此心能有幾人知

句

今日再三難更識
識辭唯道待錢來

周寶蒞丹陽州
人
有事輒云待

錢來後果以錢鏐代
之此上錢鏐句也

鴈蕩經行雲漠漠龍湫宴坐

雨濛濛

鴈蕩山今有經行臺
宴坐峯皆以休得名

刻成箏柱鴈相挨

黃昏風雨黑如磐別我不知何處去

俠客
劍俠傳 見

郭

尙父休誇塞北裘中令莫說淮西

野客
叢談

萬計交人

買華軒保惜深

牡丹
窗雜錄 吟

如何忠為主至竟不封

侯將即邊

但看千騎去知有幾人歸

一生不蓄買

田錢華屋何心亦偶然客至多逢僧在坐釣歸惟許

鶴隨船

錦繡萬
花谷

家爲買琴添舊債廚因養鶴減晨

炊上

黏粉爲題棲鳳竹帶香因洗落花泉

上

